



## KRIMINALISTIČKA OBRADA NAD UHAPŠENIMA U AKCIJI "DAMASK"

# Džihadiste satima ispitivali o planovima



**D. SLADOJEVIĆ**

**SARAJEVO - Kriminalistička obrada nad sedmoricom radikalnih islamista, koji su hapšenjem spriječeni da oputuju u Siriju, gdje su se namjeravali pridružiti ratnicima Islamske države (IS), juče je satima obavljena u prostorijama Državne agencije za istrage i zaštitu (SIPA).**

Osumnjičene su, kako saznajemo, istražiocima ispitivali šta su im bile namjere, te "vagali" koliko su opasni za bezbjednost u BiH, nakon čega su njih petorica predati Tužilaštvu BiH, dok za preostalu dvojicu, do zaključenja ovog broja "Nezavisnih", kriminalistička obrada nije završena.

Potvrđeno nam je da su Tužilaštvu BiH predati Nevad Hušidić (29), Merim Keserović (19), Edin Tabaković (51), te Alaudin Ibrahimović (23) i nje-

gov otac Ramiz Ibrahimović (62).

Kriminalistička obrada nije okončana za Huseina Erđića (34), te Midhata Traku (48), koji je prekjuche popodne uhapšen u Zenici, zbog sumnje da je finansirao terorizam. Svi oni "pali" su u akciji "Damask", čiji je cilj borba protiv finansiranja i podsticanja terorizma, organizovanja terorističke grupe, vrbovanja za terorističke aktivnosti i pridruživanja stranim paravojnim formacijama. Za većinu se sumnja da su pokušali da odu u Siriju, a prema dostupnim informacijama, Hušidić, koji je uhapšen na sarajevskom aero-

dromu, nedavno je na Facebooku, uz fotografiju na kojoj je njegova sestra sa djetetom, napisao "moja sestra sa svojim talibanom".

Inače, borba sa svim osobama, za koje se sumnja da predstavljaju potencijalnu opasnost u BiH, nastavljena je i odlukom da se četvorica stranih državljanina protjeraju iz BiH. Naime, inspektori Službe za poslove sa strancima pronašli su juče te osobe, za koje je utvrđeno da predstavljaju prijetnju javnom poretku i bezbjednosti BiH.

Na području Sarajeva pronađeni su Austrijanac S.F. (60) i državljanin Turske B.H. (30), a u Travniku su locirana dva državljanina Turske, A.G. (23) i V.J. (44). Od toga, S.F. i B.H. već su udaljeni iz BiH, dok se za preostalu dvojicu sprovode aktivnosti s ciljem njihovog udaljavanja iz BiH.

**ODLUKA  
Iz Tužilaštva BiH  
kažu da će odluka  
o uhapšenima biti  
poznata danas**